



Broj: SPA-2-1/12
Sarajevo, 16.03.2012. godine

Na osnovu člana 14. Zakona o udruženjima i fondacijama ("Službene novine Federacije Bosne i Hercegovine" broj 45/02); članova 25. i 26. Zakona o studentskom organizovanju na području Kantona Sarajevo ("Službene novine Kantona Sarajevo", broj 11/10); člana 11. Pravilnika o studentskom organizovanju i ulozi studenata IUS-a, broj IUS-SENAT-11-1063/11 usvojenog 22 jula 2011, Skupština „Studentskog parlamenta Internacionalnog univerziteta u Sarajevu“ na svojoj osnivačkoj sjednici održanoj 16.03.2012. godine donijela je:

STATUT
UDRUŽENJA – STUDENTSKE ORGANIZACIJE
„STUDENSKI PARLAMENT INTERNACIONALNOG
UNIVERZITETA U SARAJEVU”

I OPĆE ODREDBE

Član 1.

Ovim Statutom regulišu se odredbe o nazivu, sjedištu, ciljevima i aktivnostima, funkcijama, ulogama i djelatnostima, predstavljanju, organima i tijelima te njihovim nadležnostima, izboru i opozivu, trajanju mandata, kvorumu, pravilima glasanja i funkcijama osobe ovlaštene da sazove Skupštinu, obliku i sadržaju pečata i znakova, organizaciji, načinu rada, uključujući donošenje odluka, imenovanju studentskog pravobranioca, izboru predstavnika studenata u tijelima, organizacionim jedinicama, službama i organizacijama Internacionalnog univerziteta u Sarajevu (dalje: IUS), načinu sticanja i raspolaganju imovinom, izradi finansijskih i operativnih planova, usvajanju, promjenama i donošenju amandmana na Statut i druge akte, upisu članova, prestanku članstva, te pravima, obavezama i odgovornostima članova, statusnim izmjenama oblika organizovanja, pripajanja, razdvajanja ili ukidanja, te raspodjeli imovine u slučaju prestanka postojanja udruženja – studentske organizacije „Studentskog parlamenta Internacionalnog univerziteta u Sarajevu“ (dalje: SPIUS).

Član 2.

Ova Studentska organizacija je nevladina, dobrovoljna, vanstranačka organizacija studenata IUS-a.

II NAZIV I SJEDIŠTE

Član 3.

Puni naziv Udruženja – Studentske organizacije na bosanskom jeziku je: „Studentski Parlament Internacionalnog Univerziteta u Sarajevu”.

Puni naziv Udruženja – Studentske organizacije na engleskom jeziku je: „Student Parliament of the International University of Sarajevo”.

Oba naziva će biti korištena ravnopravno.

Skraćeni naziv Udruženja je: „SPIUS”.

Član 4.

Sjedište SPIUS-a je u Sarajevu, ulica Hrasnicka cesta 15, u prostorijama IUS-a.

III CILJEVI, AKTIVNOSTI, FUNKCIJE, ULOGE, DJELATNOSTI I PRINCIPI

Član 5.

SPIUS zastupa interese svih studenata IUS-a.

S ciljem što efikasnijeg djelovanja, SPIUS definiše svoje osnovne ciljeve, aktivnosti, funkcije, uloge i djelatnosti. Izmjene osnovnih ciljeva, aktivnosti, funkcija, uloga i djelatnosti se vrši donošenjem amandmana od strane Skupštine SPIUS-a.

Član 6.

Ciljevi i funkcije SPIUS-a su:

- Pripremanje prijedloga pri utvrđivanju politika, pravila i propisa IUS-a
- Učešće na sastancima organa IUS-a
- Zaštita i promocija studentskih prava
- Iznošenje stavova studenata
- Stvaranje i održavanje ambijenta u kojem će se potrebe studenata uzimati u obzir
- Uspostavljanje i održavanje dobrih odnosa međusvim studentima IUS-a
- Iniciranje i organizacija kulturnih, sportskih i ostalih van-nastavnih aktivnosti studenata
- Promoviranje ljudskih, moralnih, naučnih, akademskih, intelektualnih, kulturnih i drugih vrijednosti čovječanstva te na taj način doprinos razvoju sveobuhvatnog ljudskog bića

Član 7.

Djelatnost i aktivnosti SPIUS-a su:

- Učešće u svim aktivnostima i tijelima IUS-a
- Predlaganje u svim aktivnostima i tijelima IUS-a
- Iznošenje studentskih stavova i zahtjeva svim domaćim i međunarodnim subjektima
- Zaštita, predstavljanje i unaprijeđenje prava i potreba studenata pred svim lokalnim i međunarodnim subjektima
- Organizovanje seminara, konferencija, foruma, rasprava i drugih događaja značajnih za članove SPIUS-a
- Doprinos različitim oblicima poboljšanja statusa studenata i studentskog standarda, posebno na IUS-u i u BiH
- Saradnja sa drugim studentskim i nevladinim organizacijama
- Pružanje usluga studentima i drugim zainteresiranim subjektima

Član 8.

SPIUS će svoje usluge pružati studentima i IUS-u, odgovoriti na sve inicijative podnesene u pisanom obliku, te poduzeti sve neophodne korake da osigura uspješnu primjenu svojih aktivnosti.

Član 9.

Osnovni principi rada SPIUS-a su: uvažavanje različitosti i drugačijih stavova, mišljenja i ideja, sloboda izbora, neovisnost u svom djelovanju, transparentnost, demokratičnost, odgovornost i saradnja.

SPIUS će poduzeti potrebne mjere kako bi osigurao nepristrasnu zastupljenost svojih članova iz svihi ciklusa, studijskih programa i godina studija.

IV ZASTUPANJE I PREDSTAVLJANJE

Član 10.

SPIUS predstavlja predsjednik Udruženja. Mandat predsjednika za zastupanje i predstavljanje traje 1 (jednu) godinu s mogućnošću jednog dodatnog ponovnog izbora.

V PEČAT I ZNAK

Član 11.

Pečat SPIUS-a je okruglog oblika prečnika 39 mm. U sredini je upisano „SPIUS“ velikim štampanim slovima. Na vanjskom rubu pečata se nalaze dvije kružnice a po gornjem dijelu ruba vanjske kružnice je ispisano „Student Parliament International University” dok je po donjem dijelu ruba ispisano „of Sarajevo“. Između gornjeg i donjeg dijela teksta se nalaze i dvije grafičke oznake u obliku petokrake zvijezdice. Po gornjem dijelu ruba unutrašnje kružnice je ispisano „Studentski Parlament Internacionalnog Univerziteta” dok je po donjem dijelu ruba ispisano „u Sarajevu“. Između gornjeg i donjeg dijela teksta se nalaze i dvije grafičke oznake u obliku petokrake zvijezdice.

Član 12.

Znak SPIUS-a je istog izgleda kao i pečat.

VI ORGANIZACIJA I NAČIN RADA

(Tijela, Nadležnosti, Izbor i opoziv, Trajanje mandata, Kvorum, Donošenje odluka, Pravila glasanja, Funkcija osobe ovlaštene da sazove Skupštinu)

Član 13.

SPIUS ima svojstvo pravnog lica.

Član 14.

Aktivnosti SPIUS-a mogu biti realizovane i usmjerene na sekcije, studijske programe, studijske godine, a ovako usmjerene aktivnosti su ad hoc organizovane.

Član 15.

Organi upravljanja SPIUS-a su:

1. Skupština SPIUS-a
2. Predsjednik SPIUS-a

Organizacione cjeline i tijela SPIUS-a su:

1. Vijeće studenata fakulteta
2. Predstavnici studenata
3. Studentski pravobranilac

SPIUS može po potrebi uspostaviti i ad hoc tijela, odbore ograničenog trajanja kao i druge organe. Ove organe/tijela uspostavlja Skupština SPIUS-a.

Trajanje mandata članova u svim organima SPIUS-a, kao i predstavnika koje je SPIUS imenovao u druge organe je 1 (jedna) godina. Osobe imenovane na bilo koju poziciju mogu biti ponovo imenovane na istu poziciju samo u trajanju još jednog mandata. Ad hoc tijela su izuzeta iz ove odredbe, a trajanje mandata u ad hoc tijelima se definiše odlukom o uspostavljanju ovih tijela.

Mandat može biti opozvan od strane osobe kojoj je povjeren, ali i od strane skupština SPIUS-a i Vijeća studenata fakulteta. Ako opoziv mandata vrši Skupština, najmanje dvije trećine prisutnih članova moraju glasati za takvu odluku.

Rad svih organa SPIUS-a je javan.

Član 16.

Skupština SPIUS-a je najviši organ Udruženja.

Skupštinu čine predsjednici Vijeća studenata fakulteta i po dva studenta predstavnika svakog fakulteta koje bira Skupština Vijeća studenata fakulteta iz reda svojih članova.

Skupštinom predsjedava predsjednik SPIUS-a.

Skupština SPIUS-a bira predsjednika iz reda članova Izvršnog odbora tajnim glasanjem. Predsjednik Skupštine je ujedno i predsjednik Izvršnog odbora. Skupština SPIUS-a također bira zamjenika predsjednika i sekretara izvršnog odbora tajnim glasanjem. Nominovanje za pozicije zamjenika i sekretara podnosi predsjednik.

Skupština SPIUS-a imenuje svoje predstavnike kao članove u tijelima osiguranja kvaliteta, rukovodnim i drugim tijelima IUS-a.

Skupština se sastaje u redovnim i vanrednim sjednicama. Redovne sjednice se održavaju dva puta godišnje. Predsjednik saziva sjednicu Skupštine i priprema radni materijal. Redovna sjednica se zakazuje najmanje 15 (petnaest) dana prije njenog održavanja. Vanredna sjednica se zakazuje na zahtjev Izvršnog odbora ili najmanje 1/3 (jedne trećine) članova Skupštine. Vanredna sjednica se zakazuje najmanje 3 (tri) dana prije njenog održavanja.

Skupština može zasjedati samo ako postoji kvorum. Kvorum postoji ako sjednici prisustvuje 2/3 (dvije trećine) članova Skupštine.

Sve odluke, izuzev odluka o opozivu mandata ili članstva, promjeni oblika organizovanja, pridruženju, razdvajanju ili ukidanju SPIUS-a se donose prostom većinom.

Glasanje prilikom izbora je tajno. Glasanje u organima i tijelima SPIUS-a je javno. U izuzetnim slučajevima, glasanje u organima SPIUS-a može biti tajno a odluka o takvom načinu glasanja se mora donijeti prije samog procesa glasanja.

Član 17.

Nadležnosti Skupštine SPIUS-a:

- Usvaja statut i ostale akte, te donosi izmjene i amandmane
- Razmatra i usvaja program rada i plan aktivnosti SPIUS-a
- Razmatra i usvaja finansijske planove i finansijske izvještaje
- Definiše kriterije za članove Izvršnog odbora SPIUS-a
- Vršiti nadzor zakonitosti aktivnosti drugih tijela i organa SPIUS-a
- Bira predstavnike studenata u organima IUS-a i drugdje
- Imenuje predsjednika, zamjenika predsjednika, sekretara, studentskog pravobranioca, te vrši imenovanja na druge pozicije unutar SPIUS-a na način definisan ovim statutom
- Donosi odluke o reorganizaciji SPIUS-a, uključujući pridruživanje, razdvajanje ili ukidanje
- Donosi neophodne odluke u stvarima koje nisu definisane ovim statutom
- Opoziva članstvo i/ili mandat članova SPIUS-a i predstavnika studenata kada za tim postoji potreba
- Imenuje svoje predstavnike u Uniju studenata Kantona Sarajevo i druga lokalna i međunarodna studentska predstavnička tijela
- Sarađuje sastudentskim klubovima
- Savjetuje studentske klubove
- Zastupa interese i zahtjeve studentskih klubova u Senatu i/ili drugim organima
- Raspolaze postojećim resursima IUS-a dostupnim za učinkovito djelovanje

Član 18.

Nadležnosti predsjednika SPIUS-a:

- Rukovodi SPIUS-om i svim aktivnostima između zasjedanja Skupštine
- Predlaže programe, planove, finansijske planove, te izmjene i amandmane na akte SPIUS-a
- Štiti prava studenata
- Zahtjeva izvještaje od organa SPIUS-a, izuzev Skupštine SPIUS-a
- Priprema i podnosi izvještaje Skupštini SPIUS-a
- Imenuje privremene predstavnike studenata u tijelima SPIUS-a, IUS-a i drugdje do održavanja sjednice Skupštine SPIUS-a
- Predlaže organizacione promjene, pridruživanje, uspostavu novih tijela SPIUS-a, ad-hoc tijela i odbora
- Ostvaruje komunikaciju i saradnju sa drugim organizacijama
- Predlaže politike, pravila i propise IUS-a
- Odrađava glas studenata u svim pitanjima
- Promovira saradnju među studentima

- Organizuje izbore za organe SPIUS-a
- Organizuje aktivnosti i promovira prihvaćene vrijednosti
- Izvrši privremeni opoziv mandata predstavnika SPIUS-a i iznese slučaj Skupštini SPIUS-a

Član 19.

Predsjednika SPIUS-a imenuje Skupština SPIUS-a. Predsjednik predstavlja SPIUS i ovlašten je i zakonski predstavnik SPIUS-a. Odgovoran je za sve aktivnosti SPIUS-a, zakonske obaveze i usklađenost sa zakonom, uključujući odgovornost za finansijsko poslovanje i izvještavanje.

Predsjednik SPIUS-a je dužan izvršavati svoje obaveze na najbolji mogući način i u skladu sa zakonskim i propisima IUS-a. Predsjednik SPIUS-a će biti smijenjen sa dužnosti ukoliko: ne izvršava sve ili samo neke od svojih obaveza; radi suprotno principima i nadležnostima ustanovljenim ovim statutom ili u suprotnosti sa zakonom ili propisima IUS-a.

Opoziv predsjednika SPIUS-a se može izvršiti na redovnoj ili vanrednoj sjednici Skupštine SPIUS-a.

Sekretar SPIUS-a pomaže predsjedniku SPIUS-a u administrativnim, tehničkim i finansijskim aktivnostima.

Period imenovanja zamjenika predsjednika i sekretara je vezan imenovanjem predsjednika i okončava se opozivom imenovanja predsjednika.

Član 20.

Vijeće studenata fakulteta se uspostavlja na svakom fakultetu IUS-a i na Školi engleskog jezika (dalje: ELS).

Sve odredbe koje se odnose na Vijeće studenata fakulteta podjednako se odnose i na Vijeće studenata ELS-a u svim slučajevima, te se svako korištenje termina „Vijeće studenata fakulteta“ u ovom i drugim aktima SPIUS-a podjednako odnosi i na Vijeće studenata ELS-a.

Vijeće studenata fakulteta ima Skupštinu i predsjednika.

Član 21.

Skupštinu Vijeća studenata fakulteta sačinjavaju po 1 (jedan) predstavnik svakog studijskog programa i za svaki ciklus studija izabrani od strane studenata.

Skupština imenuje predsjednika iz reda svojih članova tajnim glasanjem.

Skupština Vijeća studenata fakulteta imenuje svoje članove predstavnike u tijela SPIUS-a, IUS-a, fakulteta, te tijela osiguranja kvaliteta i drugdje.

Skupština Vijeća studenata fakulteta se sastaje u redovnim i vanrednim sjednicama. Redovne sjednice se održavaju najmanje svakog drugog mjeseca.

Član 22.

Nadležnosti Skupštine Vijeća studenata fakulteta:

- Uspostavlja svoja tijela i odbore
- Bira svoje predstavnike
- Vršiti opoziv mandata svojih predstavnika

- Razmatra i usvaja program i plan rada Skupštine i predsjednika Vijeća studenata fakulteta
- Ostale nadležnosti u skladu sa ovim statutom i zakonskim i propisima IUS-a

Član 23.

Predstavnici studenata u organima IUS-a i drugdje moraju ispoljavati integritet i zastupati interese studenata u svim slučajevima. Obavezni su aktivno učestvovati u svim aktivnostima organa čiji su članovi te prenositi utvrđene stavove studenata. Predstavnici studenata su obavezni konsultirati organe SPIUS-a u svim stvarima i podnositi redovne izvještaje nakon svake aktivnosti u kojoj su učestvovali.

Nepoštivanje obaveza navedenih u prethodnoj stavci ovog člana je osnov za opoziv mandata predstavnika studenata.

VII STUDENTSKI PRAVOBRANILAC

Član 24.

Primarna funkcija studentskog pravobranioca je da promoviše i štiti prava studenata. Studentskog pravobranioca imenuje Skupština SPIUS-a.

Studentski pravobranilac je nadležan da:

- Savjetuje studente o njihovim pravima te zastupa studente u ostvarivanju svojih prava
- Učestvuje u razmatranju disciplinskih mjera koje se tiču studenata
- Obavlja i druge dužnosti povjerene od strane SPIUS-a i/ili studenata, u skladu sa zakonom i propisima IUS-a

Studentski pravobranilac će poduzimati odgovarajuće mjere i aktivnosti s ciljem zaštite prava svih studenata kao i svakog pojedinog studenta.

VIII IZBOR PREDSTAVNIKA STUDENATA U ORGANE, ORGANIZACIONE JEDINICE, SLUŽBE I ORGANIZACIJE IUS-A

Član 25.

Svi predstavnici studenata se biraju i imenuju na period od jedne godine. Postoje dvije vrste izbora – izbori u organe SPIUS-a i izbori predstavnika studenata u organe IUS-a i drugdje.

Izbori se održavaju u terminima predviđenim zakonom.

Detaljnu proceduru izbora donosi Izvršni odbor SPIUS-a.

IX STICANJE I RASPOLAGANJE IMOVINOM

Član 26.

SPIUS ostvaruje prihode i koristi ih za realizaciju svojih programskih ciljeva i operativno funkcionisanje. Utrošak sredstava i finansijske transakcije se vode u skladu sa postojećim propisima i zakonom.

Ĉlan 27.

Djelatnosti SPIUS-a se finansiraju iz:

- Vlastitih sredstava
- Darova, donacija, dotacija, zavještanja i dobrovoljnih priloga
- Ĉlanarina
- Drugih izvora u skladu sa zakonom i propisima IUS-a i SPIUS-a

Ĉlan 28.

S ciljem prikupljanja sredstava za specifiĉne aktivnosti SPIUS-a, predsjednik SPIUS-a moŹe organizovati dobrotvorne akcije prikupljanja sredstava, podnositi prijave projekata i programa te podnositi zahtjeve za podršku IUS-u i privatnim i pravnim licima.

Ĉlan 29.

Izvršni odbor SPIUS-a priprema detaljan plan finansijskih potreba i definiše kriterije za utrošak.

Za realizaciju utroška sredstava je ovlašten predsjednik SPIUS-a koji je obavezan pripremiti i podnijeti finansijski izvještaj na svakom redovnom zasjedanju Skupštine SPIUS-a.

X IZRADA FINANSIJSKIH I OPERATIVNIH IZVJEŠTAJA

Ĉlan 30.

Predsjednik SPIUS-a podnosi finansijski i izvještaj o radu na svakoj redovnoj sjednici Skupštine SPIUS-a. S ciljem pripremanja sveobuhvatnih izvještaja, svi organi i predstavnici SPIUS-a pripremaju izvještaje o svojim aktivnostima i podnose ih predsjedniku SPIUS-a.

Navedene izvještaje usvaja Skupština SPIUS-a 2/3 (dvoćrećinskom) većinom.

Ĉlan 31.

SPIUS vodi raĉunovodstvo i knjigovodstvo u skladu sa zakonom i drugim propisima. Predsjednik SPIUS-a je odgovoran za finansijsko poslovanje, raĉunovodstvo i knjigovodstvo. Za potrebe obavljanja ovih aktivnosti je moguće angaŹovati stručne saradnike.

Usvojeni finansijski izvještaji će biti podneseni nadleŹnim organima dva puta godišnje.

XI USVAJANJE, PROMJENE I AMANDMANI NA STATUT I DRUGE AKTE

Ĉlan 32.

Statut i drugi akti koje je donijela Skupština SPIUS-a mogu biti izmijenjeni, doneseni amandmani ili dokinuti jedino od strane Skupštine SPIUS-a.

Usvajanje novih akata, izmjena, donošenje amandmana ili ukidanje predlaŹe predsjednik SPIUS-a ili 1/3 (jedna trećina) ĉlanova SPIUS-a potpisivanjem peticije.

Akti se smatraju usvojenim ako za njih glasa 2/3 (dvije trećine) ĉlanova Skupštine.

XII ČLANSTVO

(Upis, Opoziv, Prava, Dužnosti i odgovornosti)

Član 33.

Svi studenti, bez obzira na način i ciklus studiranja, upisani na IUS su članovi SPIUS-a. Ovo je pasivno članstvo. Svi studenti upisani na IUS koji plate članarinu su aktivni članovi. Samo aktivni članovi mogu biti nominirani i imenovani u organe SPIUS-a i na pozicije predstavnika studenata.

Godišnja članarina iznosi 5 KM. Izmjene iznosa članarine mogu donijeti jedino Skupština SPIUS-a.

Skupština SPIUS-a može imenovati počasne članove koji mogu učestvovati u radu SPIUS-a ali nemaju pravo glasa. Počasni članovi ne moraju biti iz reda studenata.

Član 34.

Svi članovi SPIUS-a su obavezni izvršavati svoje studentske obaveze i odgovornosti, te koristiti svoja studentska prava.

Svi članovi su lično odgovorni za primjerno i zakonito djelovanje u skladu sa zakonom i propisima IUS-a i SPIUS-a. Članovi organa SPIUS-a i predstavnici studenata su odgovorni za ispravno i efektivno predstavljanje SPIUS-a, te zastupanje studentskih prava i zahtjeva, u skladu sa ovim statutom i drugim propisima SPIUS-a.

Prava i dužnosti članova SPIUS-a su:

- Učestvovati u radu i aktivnostima SPIUS-a
- Podržavati prava studenata
- Zagovarati poboljšanje studentskog standarda
- Biti informiran o aktivnostima, postupcima i odlukama organa i predstavnika SPIUS-a
- Obratiti se SPIUS-u
- Biti prihvaćen od strane SPIUS-a
- Glasati prilikom izbora
- Poštovati zakon i propise IUS-a i SPIUS-a

Član 35.

Opoziv članstva se vrši samo za aktivne i počasne članove. Pasivno članstvo SPIUS ne može ukinuti. I pasivno i aktivno članstvo automatski prestaju okončanjem statusa studenta IUS-a.

Opoziv članstva predlaže Izvršni odbor, a potvrđuje Skupština SPIUS-a. Postupak opoziva članstva može biti pokrenut jedino u slučajevima kada se član otvoreno suprotstavlja pravima studenata i/ili postupa suprotno uspostavljenim i očekivanim normama.

Član 36.

Mandat predstavnika studenata u SPIUS-u i drugim tijelima može biti opozvan u slučajevima kada imenovani predstavnik ne obavlja svoje dužnosti i obaveze, ne iznosi studentske stavove i stanovišta, nastupa samostalno bez konsultacija sa studentima, kao i u drugim slučajevima koji su suprotni studentskim interesima i pravima.

Mandat mođe biti opozvan na zahtjev imenovanog predstavnika, ili na zahtjev Izvršnog odbora SPIUS-a. Izvršni odbor ima pravo privremeno opozvati mandat predstavnika i iznijeti slučaj Skupštini SPIUS-a. Za vrijeme privremenog opoziva, predstavnik studenata ne mođe učestvovati u radu tijela niti nastupati kao zvanični predstavnik SPIUS-a. Kada zahtjev za opoziv mandata uputi Izvršni odbor, duđan je osnovati poseban Odbor kojim predsjedava studentski pravobranilac a koji ima zadatak da razmotri slučaj i da preporuke. Konačnu odluku o opozivu mandata donosi Skupština.

Skupština Vijeća studenata fakulteta donosi odluku o opozivu mandata predstavnika koje je izabrala i imenovala.

Skupština SPIUS-a donosi odluku o opozivu mandata predstavnika koje je izabrala i imenovala.

XIII IZMJENE OBLIKA ORGANIZOVANJA, PRIPAJANJE, RAZDVAJANJE I PRESTANAK POSTOJANJA

Ĉlan 37.

Organizaciona struktura SPIUS-a definisana u ovom statutu mođe biti itmijenjena od strane Skupštine SPIUS-a.

Svaka odluka o izmjeni oblika organizovanja, pripajanju, razdvajanju ili prestanku postojanja SPIUS-a se donosi dvotrećinskom većinom članova Skupštine.

Ĉlan 38.

Predsjednik ili sekretar SPIUS-a je duđan podnijeti prijavu o prestanku rada SPIUS-a nadležnom organu radi brisanja iz Registra udruženja.

XIV RASPODJELA IMOVINE U SLUĈAJU PRESTANKA POSTOJANJA UDRUĐENJA

Ĉlan 39.

U sluĈaju donošenja odluke o prestanku postojanja SPIUS-a, Skupština je duđna donijeti odluku o raspodjeli imovine u skladu sa ovim statutom, propisima IUS-a i zakonom.

U sluĈaju da se Skupština ne odrđi u periodu od 1 (jedne) godine ili ako se ne donese odluka o raspodjeli imovine, postojeća imovina postaje vlasništvo IUS-a.

XV ZAVRŠNE I PRELAZNE ODREDBE

Ĉlan 40.

Za tumačenje ovog Statuta nadležna je jedino Skupština SPIUS-a.

Član 41.

Pitanja koja nisu pobliže uređena ovim Statutom mogu se urediti drugim propisima SPIUS-a.

Član 42.

Predsjednik SPIUS-a je ovlašten da inicira aktivnosti uspostave Unije studenata Kantona Sarajevo.

Član 43.

Ovaj statut je usvojen i mandati dodjeljeni na Osnivačkoj skupštini SPIUS-a. Izbori na osnivačkoj skupštini neće biti uslovljeni aktivnim članstvom.

Organizaciju i nominiranje predstavnika za rad Osnivačke skupštine će izvršiti predstavnici studenata zvanično izabrani na studentskim izborima održanim na IUS-u u oktobru 2011.

Mandati dodijeljeni na osnivačkoj skupštini traju do 1. maja 2013.

Član 44.

Ovaj Statut stupa na snagu danom njegova usvajanja na Osnivačkoj skupštini Udruženja a primjenjivaće se nakon dobivanja saglasnosti IUS-a i nadležnih organa.

Predsjednik SPIUS-a:
Hamidullah Bayram
